


P360/2  
LUGANDA  
Paper 2  
July. / Aug. 2023  
3 hours



**MMM JOINT MOCK EXAMINATIONS BOARD**  
**Uganda Advanced Certificate of Education**

**LUGANDA**

**Olupapula Olwokubiri**  
(Okukyusa, Okuwandiika Emboozi, Okusoma Bwino N'okufunza)

Essaawa ssatu (3)

**EBIGOBERERWA:**

*Olupapula luno lugabanyiziddwamu ebitundu bina: A, B, C ne D.*

*Ebitindu A, C ne D bya buwaze.*

*Mu kitundu B oweereddwa ebyokulondako by'oyagala okuddamu.*

*Ddamu nga bw'olagiddwa mu buli kitundu.*

**Bikkula**

## EKITUNDU A

*Ddamu 1(a) ne 1(b).*

1. (a) Kyusa ekitundu kino okizze mu Luganda?

*(Obubonero 15)*

### **THE BATTLE OF OUR GENERATION LIES IN UPHOLDING VALUES.**

There seems to be a raging debate on whether homosexuality is a sin or a crime in many countries worldwide. Whereas many of sane minds have repulsed the idea and rightfully so, some people believe same sex relationships are a human right and that the topic should not even come up for debate.

Leading the agenda to legalize and promote same sex relationships is the United States and its allies in the West. These advocates dangle to a bottomless magic bag of cash to agencies to finance the dreadful agenda through Africa. The agents invest heavily in producing art in the form of music, movies and as well as literature that serve to promote the vice. Sadly, this strategy appears to be working miracles in winning converts.

According to survey, there has been an increase in general acceptance of homosexuality in many countries.

In 2002, the level of acceptance of same sex relationships stood at 49 percent in the United States and rose to 72 percent in 2007.

(Extracted from DAILY MONITOR, February 10, 2023 with minor modifications.)



(b) Kyusa ekitundu kino okizze mu lungereza.

(Obubonero 15)

**ABAKUGU BEETAAGA ABASOMESA BONGERWEKO AWAMU  
N'EBIKOZESEBWA MU KUSOMESA.**

Omukungu omu mu byenjigiriza agamba nti, “Okukola obubi mu baana abasoma abalina obulemu obwenjawulo mu kibiina ne mu bigezo eby'eggwanga kuvudde ku butaba na basomesa balina bukugu kusomesa baana bano n'ebikozesebwa okubasomesa obutamala.”

Mu kwogerako n'omusasi w'olupapula lwa Bukedde olunaku lweggulo, kaminsona avunaanyizibwa ku byenjigiriza eby'abaana abalina obulemu n'okusoma okutasosola mu bantu mu Minisitule y'ebyenjigiriza n'emizannyo mukyala Sarah Bugoosi Kibooli yagambye nti, “ We twogerera abasomesa kkumi ku buli kikumi mu ggwanga be balina obukugu okusomesa abaana abalina obulemu.”

Yagambye nti, “ Tulina abasomesa batono ab'abaana abalina obulemu ate nga si bonna nti bamanyi buli kimu. Oyinza okusanga omusomesa ng'akuguse mu kuyamba abayizi abalina obulemu mu kutegeera okw'obwongo nga ate tamanyi kyuma ekikozesebwa bamuzibe okuwandiika (bureyiri) n'okwogeraganya n'abalala ng'akozesa obubonero naye nga musomesa owaabo abalina obulemu.

Mukyala Bugoosi yagasseeko nti, “ Ekizibu kwe kuba nti abasomesa tebalina bukugu bwa mbala mu ebyo bye twetaaga. Kuno kusoomooza kw'amaanyi era nga y'emu ku nsonga enkulu evuddeko okusoma obubi mu baana bano. Abasomesa gye bali naye nga tebalina bukugu bwetaagisa okubasobozesa okukwatagana n'abaana bano.”

## EKITUNDU B

### Kola 2(a) oba 2(b)

2. (a) Ku mitwe egikuweereddwa, londako gumu oguwandiikeko emboozi ya bigambo 350- 400. *(Buli mutwe gwa bubonero 30)*

(i) Obwato bufa magoba.

(ii) Emisolo egisabibwa abasuubuzi gye gikyasinzze okuzinnyanya ebyobusuubuzi mu ggwanga. Kubaganya ebirowoozo.

(iii) Omuganda n'embwa.

(iv) Wandika emboozi ng'esembyayo ebigambo bino: "..... awo we namanyira nti obwaffe bukomye era tetukyalina buddukiro."

### Oba

- (b) Ku mitwe egikuweereddwa, londako ebiri(2) buli gumu oguwandiikeko emboozi ya bigambo nga bw'olagiddwa mu bukomera. *(Buli mutwe gwa bubonero 15)*

(i) Egwe ssentebe w'ekibiina kya 'Bagandankobazambogo' era muyise abagenyi ku mukolo gwammwe ogw'okukyusa obukulembeze. Wandika alipoota gy'onosomera abagenyi ng'owaayo obukulembeze eri ssentebe omuggya. (Kozesa ebigambo nga 200)

(ii) Wandikira omukunjaanya w'olupapula lw'amawulire ng'onnyonnyola ebirungi ebiri mu bavubuka okwetandikirawo emirimu. (Kozesa ebigambo nga 100)

(iii) Nga Nnaabakyala w'ekitundu kyammwe, wayitiddwa ku mukolo gw'okukuza olunaku lw'obungi bw'abantu mu nsi yonna. Yogerako eri abakyala ng'obabuulira ebirungi ebiri mu kukozesa enkola eya 'kizaala ggumba.' (Kozesa ebigambo nga 200)



- (iv) Oli omu ku bayizi abasula mu kisulo kya America mu Kyampisi Secondary School era nga eno wabaddeyo omuyizi eyasangiddwa ng'afiiridde mu buliri bwe. Oytiddwa ku pollisi, wandiika sitetimenti yo ku nsonga eyo. (Kozesa ebigambo nga 150)

### EKITUNDU C

3. *Soma ekitundu kino n'oluvannyuma oddemu ebibuuzo ku nkomerero yaakyo.*

*(Obubonero 20)*

Omuganda agamba nti, "Ozaayisanga n'otofiisa." Kyenvudde nokolayo enjogera eyo by'ebyo ebizze bibaawo mu ggwanga lyaffe anti twali tusuubira okuba obulungi naye ekituuka ku Baganda kizibu okunnyonnyola. Uganda ng'ejjudde nabbamba w'ebizibu omuli endwadde, obwavu obukooza abantu kagiri, enjala kakutiya mu bitundu ebimu, entalo ez'olutentezi ng'amakajja obutamanya n'ebirala njolo.

Abaganda oba Bannayuganda tuli mu masanjanzira nga buli omu yeebuuzza "njende ogw'ennyama oba ogw'enku?" Kisaanidde buli muntu mu kiseera kino okutunula enkakaba alagirira. Omusota atemya okusobola okuvvuunuka obuzibu obwo.

Naye ayii... wooweee... Abaganda: tukyali Baganda ddala era tuyinza okweyita Abaganda ng'abaana baffe emiti emito gifuuse emiseg naffe ne twesuulirayo ogwa nnaggamba ng'omuyaga "gw'obugunjufu" tukoppa era tutinkiza na buli kigenyi ekiva e bunaayira gukunta? Eno yo nsonga emu ku ezo ezireese akanyoolabikya si mu maka gaffe mwokka naye ne mu byalo, ebibuga n'eggwanga lyaffe lyonna.

Sandyagadde kuwalampa muntu yenna naye be kinaakosa munsonyiwe anti "Bbwa ddene...." So nga n'owebbango bw'otomuwemukira teweebikka". Tuwulira lunye mu maka ag'abantu abeeyita Abaganda nga bategeeza abaana baabwe mbu bo beeyisa "Kizungu." Wano Abazadde abaana mubasimira magombe anti tekibangawo n'omulundi n'ogumu omuddugavu okufuuka kyeruppe. Ebyembi bo Abazungu bamanyi bulungi ennono zaabwe; Bwe baabera wano tebeeyisa "Kifirika." Anti bo bamanyi nti mu baddugavu temwali luwanga lwa kitaabwe. Ekyokulabirako omulambuzi era Munnaddiini Dr. Livingstone bwe yafira mu Afrika yazzibwayo ewaabwe n'aziikibwa ku biggya by'abakungu e Bungereza. Bwe njogera kino

Bikkula



sidongwa na byafaayo naye n'abakkiririza mu ddiini z'ekizungu mukimanyi nti ne Yesu kirisitu yali wa mu kika kya Dawudi.

Abaganda tuve mu lunyoomonyoomo omuze nnamutta, olumbugu nnamuzisa era enkonge mu kwekulaakulanya. Manya anti Abazungu bava n'ewaabwe okujja muno ekibaleeta naddala abalambuzi ne hasaasanya n'ensimbi zaabwe kulaba bikolebwa wano e Buganda oba mu Uganda gamba nga: Amasiro , abantu bennyini , empisa zaabwe ennansi, ennyambala, ebivuga ebyekinnansi n'ebirala mpakatyole. Noolwekyo okukyawa ebyaffe ne tukopperera "Bikiveebulaaya" tuba tweekuulira ffekka akabazzi ku kugulu.

Okukopperera bwe kwegasseemu olunnyoomonyoomo, entumbi n'egwa mu njovu. Mbu n'abaana b'omulembe guno tebawulira, awo simanyi oba abazadde mutuukiriza obuvunaanyizibwa bwammwe. Wabula ka mbuuze , bwe mubayita okulya basembera oba tebawulira.

Okweyinulira ku bintu by'Abagwira, Abaganda kye kituzzizza ennyuma. Olaba mubuuza abaana nti, "Naye osoma oluganda lunaakuyamba ki?" Tubiwulira lunye n'osaasira omwoyo. Ne mu masomero owulira abagakulira nga bagamba abaana mbu, " Teekako oluganda ojjuulirize amasomo" endowooza ng'eyo weewuunye ! Mmwe abazadde mbabuuza, Ebyabibiina bibagasa ki, babisoma kubitegeera kusinga bannanyini byo abaabikubako ebitabo abaana bammwe mwe basoma nandiki kuyamba bazungu kukuba birala?

Nnondoberezza nnyo, wabula ka nkubire nga njuliriza ebigambo ebiri mu "Bakaluba; Endege" nti " kino kye kiseera eri buli Muganda okusulika omutwe gwe waggulu ng'empungu ya aggrey eyaliiranga mu nkoko ze tuwenje tufaakuuze, tuziikule ebyali biziikiddwa mu mirembe gy'ekikolloni n'ebyo ebizzebisoba bukyanga tufuna bwetwaze. Tuteekwa okwesammula empisa embi ezisimbye amakanda wano- ezitatugasa naddala mu kiseera kino eky'okwezza obuggya.

Abaganda mujjukire ennono zammwe, eyeddira Emmamba ensaka yaayo togisemberera , nnyoko bw'aba Nanteza, Nalumansi mwesonyiwe, anti kino kivve ne mu ssayansi kivumirirwa . Abaana mubagunjule babe ba mpisa batuweese ekitiibwa awamu ne Buganda anti bagamba nti " Omwana omubi....."

### Ebibuuzo:

- (a) Bizibu ki Uganda by'etubiddemu ng'ensibuko yaabyo obutamanya?  
(Obubonero 04)
- (b) Menyayo ensobi nnya(4) Abaganda ze bakola ezibaviiriddeko obuzibu.  
(Obubonero 04)
- (c) Abaganda balina kukolabatya okuvvuunuka ensobi z'owaddè mu (b) waggulu?  
(Obubonero 04)
- (d) (i) Ekitundu ky'osomye kiwe omutwe ogukituukirako. (Akahobero 01)
- (ii) Nyonnyola amakulu g'ebigambo bino nga bwe bikozezeddwa mu kitundu ky'osomye.  
(Obubonero 05)
- Kanyoolabikya
  - Nabbamba
  - Ng'amakajja
  - Mubasimira magombe
  - Mpa katyole.
- (e) Enjogera "njenda ogw'ennyama oba ogw'enku?," omuwandiisi aleese yaki?  
(Obubonero 02)

### EKITUNDU D

4. Soma ofunze ekitundu ekikuweereddwa mu bigambo nga 100.  
Obutale omutundibwa kalonda w'ebintu obutali bwa mubuulo busangibwa mu bitundu by'ebibuga ebitali bimu. Jjukira luno lwe lusuku n'ennimiro bannakibuga mwe balima n'okukungula; naye nga mu kifo ky'okukozesa enkumbi bakwata mu nsawo.

Abantu ababukoleramu mubaamu abaana abato, gayite amabujje . Abakyala n'abaami abatuludee , abavubuka, baluwedde ku mpagala , abalina obulemu obwenjawulo , bano bannaakanoba mu dda nneeyiia, namenya ki naaleka ki?

Obusinga bwe butaba bwonna, musangibwamu kalonda w'ebintu; jjukira nakugambye dda lwe lusuku n'emimiro ya bannakibuga . Zino nnyaanya, ndagala , Bbugga , kaamulali , ntuntunu , mboga , nandigoya , mapeera , ntula, mukene, nkugambye eba nfofoolo ya bintu.



Bungi bukulemberwa obukiiko ohulonde bwa mu babukolerawa oba ababulinako obw'obwannannyini era nga bano be bayunaanyizibwa ku kutawulula entalo n'ennyombo ebibaamu , mwana kusolooza mpooza, kutabaganya beebanja baleme kwegwa mu malaka , zino nkaayana za midaala ne kalonda atyo.

Ababukolamu n'ababuvunaanyizibwako bafuba okubuyonja naye maama tebuggwaamu bukyafu mu bisegguusi byabwo. Gino myala emizibikivu , olumu emmetako eziyoolamu kasasiro zirwawo okumuggyamu eno bawambwa abeetaliramu nga bwe bamusaasaanya , leero n'olaba ejjano!

Olwa nnamungi w'omuntu abubeeramu, n'enneyisa y'abantu abakolera mu butale buno kya mazima teba y'emu . Ggwe ate abataakuzibwa mu maka gamu nti oba bagatta nnyaabwe oba kitaabwe , kate oba obukwatane mu bajjajja lwaki tebaba na nneeyisa ya njawulo!

Abalyazaamaanyi n'abakuluppyakuluppya obasanga omwo. Bano tebalidde mabanja na kukumpanya nsimbi za bannaabwe bitoke bye bigwa. Bano era tebalidde mabanja nneeyano naye ng'okusasula ssuuna na Baziba . Olulimi lwe bakozeza nga beewola luba luweevu nyae wo wayi gutuuke okusasula!

Aboomumwa abakuvuma ebivumo ne bibula okukusimbuza omulanga oba okukusitula w'otudde n'okukulukusa aga julujulu nga tebakukubye nabo obasanga omwo.

Tekibagaana kukuwaayira buli kibi kye bamanyi ekyonoona omuntu wadde nga tokikolangako! Ekikulu kuba kukwonoona n'okukuswaza mu buli ngeri esoboka bwe batyo ne bakunafuya n'okukuweebuula mu bantu.

Mu nkuyanja y'abantu abakoleramu, mwe muli ne bakalogo kalenzi! Bano tebeekukudde mu zigirizigiri wa ddogo kitalo. "Bandoze,"Bakuloga." "Nja kukuloga" y'abeera ku mumwa. Kale n'owulira nti omuntu ayinza okuloga amenvu oba ennyaanya ne bigaana okwengera mbu ne bivunda buvunzi nga bibisi nga tewali abiguzeeko yadde n'omu!

Bwe weetegereza abasinga abakolera mu butale buno, embaawo bangi baba baalaba ntono so no n'abamu wadde nga n'ettaka tebalikulukuunyangako bageegeenye okuwandiika ku nnukata ky'ova olaba nti enneeyisa yaabwe teyeewuunyisa!